

ԱՐՁԱՆԱԳՐՈՒԹՅՈՒՆ 02

Հայաստանի Հանրապետության Արագածոտնի մարզում 2019թ. սեպտեմբերի

4-ին ժամը 15:00-ի կայացած մարզխորհրդի նիստի

Մասնակցում էին՝

Դ. Գևորգյան ՀՀ Արագածոտնի մարզպետ

Հր. Գևորգյան ՀՀ Արագածոտնի մարզպետարանի գլխավոր քարտուղար

Մարզպետարանի, մարզային ենթակայության առողջապահական կազմակերպությունների ղեկավար կազմը, համայնքների ղեկավարները, ուժային կառույցների ներկայացուցիչներ:

Օրակարգում՝

1. Մարզի համայնքների սեփական եկամուտների հավաքագրման ցուցանիշների մասին /գեկ. ՖՍՏՂ վարչության պետի ժամանակավոր պաշտոնակատար՝ Ն. ԳԱԼՍՅԱՆ/:
2. 10 հազար և ավել բնակչություն ունեցող համայնքներում ավագանու նիստերի առցանց հեռարձակումների կազմակերպման մասին /գեկ. ՏԻ և ՀԳՄՀ վարչության պետ Հ. ԱՍԱՏՐՅԱՆ/:
3. Համայնքներում սուբվենցիոն ծրագրերի իրականացման գործընթացի մասին (զեկուցող՝ քաղաքաշինության վարչության պետ Ա. ԴԱՎԱՅԱՆ):
4. Մարզի համայնքներում գյուղատնտեսության հետ կապված ընդհանուր բնույթի աշխատանքների մասին (Ձեկուցող՝ գյուղատնտեսության և բնապահպանության վարչության պետ Յու. ԱԶԱՏՅԱՆ):
5. Հայտարարություններ՝
 1. Համայնքներում զինապարտների գրանցամատյանների վարման մասին:
 2. Աշխատող պահեստազորայինների և զորակոչային տարիքի պարտադիր զինվորական ծառայություն չանցած անձանց ցուցակների մասին: / ՀՀ Արագածոտնի մարզի զինվորական կոմիսարի ժ/պ Հ. ԱՍԼԱՆՅԱՆ/
 3. Մարզի տարածքում հրդեհների կանխարգելման աշխատանքների մասին /ՀՀ ԱԻՆ փրկարար ծառայության Արագածոտնի ՄՓՎ պետ Է. Գալստյան/:

Նախքան օրակարգային հարցերի քննարկումը մարզպետը << Արտակարգ իրավիճակների նախարարության աշխատողի օրվա կապակցությամբ շնորհավորեց ներկա գտնվող ոլորտի ներկայացուցիչներին, կարևորեց նրանց ամենօրյա խիզախ և հայրենասնվեր աշխատանքը:

1. Օրակարգային առաջին հարցի շրջանակներում ներկայացվեց Արագածոտնի մարզում 2019 թվականի ութ ամիսների ընթացքում համայնքային բյուջեների սեփական եկամուտների հավաքագրման արդյունքները, առանձնացվեցին հավաքագրման պլանային ցուցանիշից էական բացասական և դրական շեղում ունեցող համայնքները: 2019 թվականի ծրագրով նախատեսված սեփական եկամուտների 1 մլրդ 524 մլն դրամի հավաքագրման ցուցանիշներից 80 միլիոն դրամով ավել է հավաքագրվել: 2019 թվականի ութ ամիսների ընթացքում հավաքագրված սեփական եկամուտները կազմել են 933 մլն 700 հազար դրամ, որը նախորդ տարվա նույն ժամանակահատվածի համեմատ ավել է 182 միլիոն դրամով: Կարևորելով համայնքների սեփական եկամուտների հավաքագրումը որպես համայնքի ղեկավարի պարտադիր լիազորության կատարում՝ մարզպետը նշեց, որ համայնքների ղեկավարները պետք է հետամուտ լինեն համայնքային բյուջեի կատարմանը և ձեռնարկեն անհրաժեշտ միջոցներ եկամուտների հավաքագրումն ամբողջ ծավալով ապահովելու ուղղությամբ՝ բացառելով քաղաքացիների և իրավաբանական անձանց կողմից արտոնյալ կարգավիճակում հայտնվելու դեպքերը:

2. Օրակարգային հաջորդ հարցի՝ 10 հազար և ավել բնակչություն ունեցող համայնքներում ավագանու նիստերի առցանց հեռարձակումների վերաբերյալ քննարկման ընթացքում համայնքների ղեկավարներին առաջարկվեց ապահովել ՏԻՄ-երի գործունեության հրապարակայնությունն ու թափանցիկությունը, համայնքի բնակչության մասնակցությունը համայնքի կառավարմանը:

3. Ներկայացվեց համայնքներում սուբվենցիոն ծրագրերի իրականացման գործընթացի արդյունքները: Նշվեց, որ 2019 թվականի Արագածոտնի մարզի համայնքների տնտեսական և սոցիալական ենթակառուցվածքների զարգացմանն ուղղված սուբվենցիոն ծրագրի շրջանակում Արագածոտնի մարզի 32 համայնքում իրականացվում է 56 ծրագիր, ևս 1 ծրագիր գտնվում է փաստաթղթերի լրամշակման փուլում:

Համայնքների ղեկավարներին առաջարկվեց միջոցներ ձեռնարկել 2019 թվականին իրականացվող սուբվենցիոն ծրագրերը մինչև սույն թվականի բյուջետային տարվա վերջ ավարտելու ուղղությամբ: Մարզպետը տեղեկացրեց, որ կատարվող աշխատանքների որակի նկատմամբ իրականացվում է խիստ հսկողություն և սուբվենցիոն ծրագրերի շրջանակներում կատարված անորակ աշխատանքների համար << պետական բյուջեից համաֆինանսավորում չի տրամադրվելու:

4. Մարզխորհրդի նիստում քննարկվեցին անասնապաշտպանակի, գյուղատնտեսական մշակաբույսերի, ոռոգման ջրի և գյուղատնտեսության ոլորտին առնչվող այլ հարցեր:

Հնչեցին համայնքներում գինապարտների գրանցամատյանների վարման, աշխատող պահեստազորայինների և զորակոչային տարիքի պարտադիր գինվորական ծառայություն չանցած անձանց ցուցակների վերաբերյալ հայտարարություններ:

Կարևորվեց սեպտեմբերի 24-ից հոկտեմբերի 5-ը հանրապետությունում ծավալուն, մեծամասշտաբ զորահավաք անցկացնելու և պահեստային ուժերի ներգրավվածությունը ապահովելու մասին հարցը: Նշվեց, որ այս միջոցառումը ՀՀ վարչապետի ուշադրության կենտրոնում է և մարզպետի կողմից կոչ արվեց մարզում խստագույնս ապահովել համայնքների պահեստային ուժերի ընդգրկվածությունը: Մարզպետը կարևորեց նմանատիպ զորավարժությունների մասնակցության անհրաժեշտությունը:


Անդրադարձ կատարվեց մարզի տարածքում հրդեհների կանխարգելման աշխատանքներին: Մարզպետը նշեց, որ հրդեհների վտանգավոր շրջանը դեռևս չի անցել և անհրաժեշտ է, որպեսզի համայնքների ղեկավարները և բնակիչները համագործակցեն փրկարար ծառայության հետ հետագա բարդություններից և կորուստներից խուսափելու համար:

Մարզպետն առաջարկեց համայնքների ղեկավարներին առավել ուշադիր լինել մարզպետարանից ուղարկվող փաստաթղթերի, հարցումների պատասխանների ժամկետները պահպանելու խնդրին:

Խիստ կարևորվեց նաև մարզի համայնքներում գործարարների կողմից բիզնես-առաջարկների նկատմամբ համայնքների ղեկավարների կողմից պատրաստական վերաբերմունքի անհրաժեշտությունը:

Նիստի ավարտին հնչեցին հարցուպատասխաններ:

Մարզպետ՝



ԴԱՎԻԹ

ԳԵՎՈՐԳՅԱՆ